

Бахтили-саодатли халқимизнинг энг қадимий ва файзли байрами



Мамлакатимиз бўйлаб Наврўз сайиллари бўлиб ўтмоқда.

Қорли-қировли кунлар ортда қолди. Кўнгиллар қўклам суруридан яйрамоқда. Она замин узра баҳорий насим эса бошлади. Табиатда мўъжизавий уйғунлик кузатилмоқда:

кечагина оппоқ кордан қадди-басти эгилган, қаҳратон совуқда дийдираган дов-дараҳтлар бугун куртак ёзди. Нозик новдаларга гул битди, қийғос гуллаган боғлар капалак ва

болариларга ошён бўлди.

Қуёшнинг қайнок тафтини соғинган майсалар кўзни қувнатиб, кўкка бўй чўзади. Бутун борлиқда уйғониш, янгиланиш, яшариш манзаралари.

Борлиқдаги уйғониш, янгиланиш ва яшариш озод ва обод Ватанимизга бокий байрам, қутбарака, тўкинлик ва меҳру оқибат рамзи – Наврўзи олам келганидан дарак беради.

Юртимиз тинч. Осмонимиз мусаффо. Бир дунё орзуладар билан эртани кутиб, келажакка ишониб, тўю-томушалар қилиш, янги уй-жойлар солиш, Ватан тараққиётига муносиб хисса қўшиш ниятида яшаётган халқимиз "Хуш келибсан ўлкамизга, Наврўзи олам, қадаминг кутлуг бўлсин! Юртимиздаги тинчлик-омонликка кўз тегмасин!" деб Наврўзга пешвоз чиқмоқда...

Президентимиз Шавкат Мирзиёевнинг жорий йил 28 февралдаги "2017 йилги Наврўз умумхалқ байрамига тайёргарлик кўриш ва уни ўтказиш тўғрисида"ги қарорига мувофиқ Наврўз байрами бу йил мамлакатимизда умумхалқ сайли сифатида нишонланмоқда.

Ўзбекистон Республикаси Президенти Шавкат Мирзиёев байрам сайлига чиқди.

Пойтахтимизнинг Абдулла Қодирий номидаги маданият ва истироҳат боғи байрамона безатилган. Карнай-сурнай садолари эрта тонгдан халқни сайлга чорлади.

Эзгулик, муҳаббат, хайр-саҳоват, мурувват, шафқат ва шафоат, янгиланиш ва яшариш айёми қалбларга сурур, олам-олам қувонч ва янги-янги орзу-ҳаваслар бахш этади.

Боғ ҳудуди "Наврўзи олам муборак!", "Ҳар кунимиз Наврўз бўлсин!", "2017 йил – Халқ билан мулоқот ва инсон манфаатлари йили" каби шиорлар, хушбўй гулу чечаклар билан безатилган. Турфа ранг байроқчалар ҳилпирайди, ранго-ранг шарлар майин эпкинларда тебранади.

Сайлда халқимизнинг тарихи, маданияти, урф-одат ва анъаналарини акс эттирган айвонлар, йўлак бўйлаб устаю хунармандлар, ганчкорлар, каштадўзу чеварлар миллий либосларимизни, дўмбира, доира каби халқ чолғу асбобларини, миллий буюмларни намойиш этмоқда.

Давлатимиз раҳбари кўргазмага қўйилган маҳсулотларни кўздан кечирди. Усталар билан сухбатлашиб, байрам билан табриклади.

Президентимиз байрам сайлида иштирок этаётган хорижий давлатлар элчихоналари ва халқаро ташкилотлар ваколатхоналари вакиллари билан кўришиб, уларни байрам билан муборакбод этди.

Мўйлови сабза урган йигитлар кўклам ўйини – чиллак, зувиллатар, норғул йигитлар от жиловини эркин қўйиб-чопишиб, беллашади. Коқигулдан бошига чамбараклар тақиб олган қизлар қошлирига ўсма тортишади. "Беш тош", "Мак-мак" ва "Оқ теракми, кўк терак?" ўйинлари, Наврўз сайли қатнашчиларини хушнуд этади. Дошқозонларда қайнаган сумалак ифори оламни тутади. Сочларига жамалак тақсан қизлар шўх-шодон рақсга тушади.

Президентимиз Шавкат Мирзиёев концерт дастурини томоша қилди. Лапарлар, қўшиқлар, халқ термалари, аскиячилар пайрови қизиди. Фольклор жамоаларининг куй-қўшиқлари кушлар чуғурига, кўркам фавворанинг жилдирашига уйғунлашиб кетди.

Эртамизнинг эгалари бўлган болалар чиқишлири, уларнинг шўх-шодон кулгулари, мустақил юртнинг баркамол фарзандлари ижросидаги она Ватанни, кўкламни, баҳтиёр болаликни мадҳ этувчи жарангдор куй-қўшиқлар, жозибадор рақслар барчага завқ-шавқ улашади. Наврўз, ёшлиқ ва баркамолликнинг нақадар уйғунлиги кўз ўнгингизда гавдаланади.

Сўриларда қўр тўкиб ўтирган отахонлар яна бир баҳор билан юзлашганига шукронга келтириб, юрт ободлиги, халқ фаровонлигидан сўз очади. Давлатимиз раҳбари отахонлар билан сухбатлашди. Қўллар дуога очилди.

Наврўз байрами мамлакатимизда яшаётган миллати, тили, динидан қатъи назар, барча ватандошларимиз орзиқиб кутадиган умумхалқ байрамига айланган. Бугун мамлакатимизда 130 дан ортиқ миллат ва элат вакиллари ахил ва иноқ яшамоқда. Улар умумий уйимиз – Ўзбекистонимиз равнақи йўлида барча соҳаларда фидокорона меҳнат қилмоқда.

...Халқимиз барча орзу-ҳаваслари, ҳаётининг мазмунини фарзандларида кўради. Ўзбекистон истиқлолнинг дастлабки қунларидан соғлом ва баркамол авлодни тарбиялашни ўз олдига асосий мақсад қилиб қўйди. Ўтган йилларда оналарнинг соғлом бўлиши, болаларнинг соғлом туғилиши ва баркамол улғайиши йўлида кўлами ва аҳамияти жиҳатидан бетимсол ишлар амалга оширилди.

Мамлакатимизда 2016 йилнинг Соғлом она ва бола йили деб эълон қилингани бу борадаги ишлар кўламини янада кенгайтирди. Оила, оналик ва болаликни ҳимоя қилиш, ахоли, аввало хотин-қизлар учун ижтимоий, майший ва тиббий шароитларни янада яхшилаш, тиббий маданиятни юксалтириш борасидаги ишлар изчил амалга оширилди.

Биринчи Президентимиз Ислом Каримов раҳнамолигида амалга оширилган халқимизнинг муносиб ҳаёт сифатини таъминлаш, оналик ва болаликни муҳофаза қилиш, ҳар томонлама соғлом авлодни тарбиялаш, тиббий хизмат сифатини оширишга қаратилган тизимли ишлар изчил давом эттирилмоқда.

Шавкат Мирзиёев мазкур соҳага, яъни, халқимиз саломатлигига алоҳида эътибор қаратиб келмоқда. Жорий йил 5 январь ва 7 февраль кунлари Президентимиз раислигида соғлиқни сақлаш тизимидағи муаммолар ва соҳанинг ривожланиш истиқболларига бағишиланган йигилиш бўлиб ўтгани, давлатимиз раҳбарининг 2016 йил 31 октябрдаги "Аҳолини доридармон воситалари ва тиббиёт буюмлари билан таъминлашни янада яхшилашга доир чоратадбирлар тўғрисида"ги қарори, 2017 йил 16 марта "Шошилинч тиббий ёрдамни янада такомиллаштириш чора-тадбирлари тўғрисида"ги фармони бу борадаги ишларни янги босқичга қўтаришда муҳим омил бўлмоқда.

...Тошкент шаҳрининг барча туманларида ўтган байрам сайлларида Олий Мажлис Сенати аъзолари, Қонунчилик палатаси депутатлари, давлат ва жамоат ташкилотлари, мамлакатимиздаги элчихоналар ва халқаро ташкилотлар ваколатхоналари вакиллари, пойтахтимиз меҳмонлари иштирок этди.

Пойтахтимизнинг Мирзо Улугбек номидаги маданият ва истироҳат боғи ҳам эрта тонгдан гавжум бўлди. Аҳолини халқ сайлига чорлаган овозлар дилларга жўшқинлик бағишилади.

Ватанини, баҳорни мадҳ этувчи куй-қўшиқлар янгради. Жажжи болажонлар кўклам даракчиси бўлган бойчечак, ялпиз, чучмомалар улашиди. Бир томонда асқия айтиётган нуронийларнинг қаҳ-қаҳаси қўтарилса, бир ёқдан айтишувда бас келмаётган қизларнинг кулгулари акс-садо беради.

Мустақиллик йилларининг ҳар йили юксак довонлар, залворли ютуқлар, бетимсол ўзгаришлар билан Ватанимиз тарихи зарварақларига битилмоқда. Тарихан қисқа даврда миллий қадриятларимиз, урф-одат ва анъаналаримиз тикланди. Замонавий демократик давлат қуришнинг мустаҳкам пойдевори қўйилди ва мустаҳкамланди. Ўзбекистон иқтисодиёти жадал ривожланаётган, ишлаб чиқариш ва ижтимоий инфратузилмаси юқори, банк-молия тизими барқарор етакчи мамлакатлар сафидан муносиб жой олди.

2016 йилнинг июнь ойида Тошкентда Ўзбекистон раислигида Шанхай ҳамкорлик ташкилоти Давлат раҳбарлари кенгашининг навбатдаги мажлиси катта муваффақият билан ўтди.

Халқимизнинг фидокорона меҳнати ва қатъияти эвазига эришилаётган ютуқ ва натижалар кўпчиликнинг ҳавасини тортмоқда. Бу нуфузли ҳалқаро ташкилотлар, тадқиқот институтлари томонидан эълон қилинаётган ҳалқаро рейтингларда яққол ўз исботини топмоқда.

Шундай фараҳбахш дамларда она табиатда рўй бераётган яшариш, янгиланишларни қалбидан ўтказаётган юртдошларимизнинг кўнглида шодлик, яна бир Наврўзга эсон-омон етганимиз, элу юртимиз тинчлиги ва фаровонлиги учун шукроналик туйғулари жўш уради.

...Қалблардаги Наврўз завқи фусункор майдонларга кўчади. Алишер Навоий номидаги Ўзбекистон Миллий боғида байрамни мадх этувчи саррин куй оғушида кўз ўнгимизда баҳорнинг ажиб манзарапари, она юртимизнинг бетимсол таровати намоён бўлади.

Фольклор-этнографик жамоаларнинг ранг-баранг ашула ва рақслари, шўх яллаларда, полвону чавандозлар чиқишида Наврўзнинг хилма-хил ва ноёб қирралари намойиш этилади.

Мустақиллик йилларида биз илгари тасаввур ҳам қилолмаган, бугун ўзимизга ғуур багишилаб, ўзгаларнинг ҳавасини тортаётган юксак мэрраларга эришмоқдамиз. Бунинг замирида мустақиллик, халқимизнинг фидокорона меҳнати, узоқни кўзлаб амалга оширилаётган оқилона сиёsat мужассам.

Ватанимиз мустақиллигининг дастлабки йилларидан мамлакатимиз худудларини ўзаро боғлайдиган замонавий транспорт коммуникациялари барпо этиш долзарб масала сифатида кун тартибига қўйилди. Янги темир йўллар қуриш, мамлакатимизнинг ягона ва яхлит темир йўл тизимини барпо этишга эътибор қаратилди.

2016 йилнинг 22 июнь қуни узунлиги 123,1 километр бўлган Ангрен-Поп электрлаштирилган темир йўли ва 19,2 километрлик Қамчик туннели ишга туширилди.

Бу мамлакатимиз иқтисодий қудратини мустаҳкамлаш, транзит ва сайёхлик салоҳиятини юксалтириш ва темир йўл тармоғини янада ривожлантиришга, дунё хамжамияти билан муносабатларни юқори босқичга кўтаришга хизмат қиласди.

Наврўз байрамини ўтказиш ёш авлодни тарбиялаш, халқимиз ижодиётининг энг яхши намуналари мисолида улар дунёқарашини шакллантиришга, миллий ўзликни англашда катта аҳамият касб этади.

Ёшларнинг ўз ақл-заковати, истеъодини тўла намоён этиши, маҳоратини муттасил ошириб бориши, юксак маънавиятли, баркамол авлод бўлиб вояга этишига қаратилган эътибор ва ғамхўрлик самарасида ҳалқаро майдонларда Ватанимиз шон-шухратини улуғлашга қодир ўғил-қизлар сафи кенгаймоқда.

Фарзандларимиз камолоти халқаро мусобақаларда ҳам яққол намоён бўлаётир. Бразилиянинг Рио-де-Жанейро шахрида бўлиб ўтган XXXI ёзги Олимпия ўйинларида спортчиларимиз 4 олтин, 2 кумуш, 7 бронза медални қўлга киритиб, Ўзбекистон ёшлари ҳеч кимдан кам эмаслиги ва ҳеч қачон кам бўлмаслигини яна бир бор исботлади.

Рио-де-Жанейро шахрида ўтган XV ёзги Паралимпия ўйинларида спортчиларимиз эришган юксак ғалабалар халқимизга чексиз ғуур-ифтихор бағишлади. Ўзбекистон спортчилари мазкур нуфузли мусобақада 8 олтин, 6 кумуш ва 17 бронза медални қўлга киритиб, Ватанимиз обрў-эътиборининг янада юксалишига муносиб хисса қўшди.

...Жарчи овози, карнай-сурнай, ноғоралар садоси пойтахтимиздаги "Анҳор-Локомотив" истироҳат боғида Наврўз сайли бошланганидан дарак беради.

Боғ йўлаклари бўйлаб чопаётган, варрак учираётган болалар қийқириғи оламни тутади. Дошқозонда ҳовури чиқиб турган ошдан лаганларга тортилмоқда. Сўрида асқиячилар кулгуси авжига олади. Элимиз суйган хонандалар ижросидаги куй-қўшиқлар боғ узра таралмоқда.

Бугун мамлакатимиз иқтисодиётида туб таркибий ўзгаришлар амалга оширилди, замонавий корхоналар барпо этилди. Асака, Самарқанд ва Хоразмдаги автомобиль заводлари, Бухоро нефтни қайта ишлаш заводи, Кўнғирот сода заводи, Дехқонбод калийли ўғитлар заводи, Тошкент вилоятидаги мотор заводи каби юқори технологияли саноат корхоналари иқтисодиётимизнинг локомотивига айланди. 2016 йилда уларнинг сафига Устюрт газ-кимё мажмуаси ва Қандим газни қайта ишлаш мажмуаси қўшилди.

Пойтахтимизнинг Сергели туманидаги "Green Park" маданият ва истироҳат боғида бўлиб ўтаётган Наврўз сайлида ҳаётимиз, тутумларимиз, турмуш тарзимиздаги анъаналар ўз ифодасини топди. Наврўз сайллари соchlарига толбарг тақсан қизлар айтишуви, бўз йигитларнинг спорт ўйинлари, онахонлар пиширган сумалагу ҳалим, ҳазилу асқиялар билан янада завқли, янада шукухли бўлди.

..."Хар тунинг қадр ўлубон, ҳар кунинг бўлсин Наврўз". Буюк бобокалонимиз Алишер Навоийнинг бу боқий сатрлари Наврўз ҳар бир инсон самимий, тоза ниятларини, туйғуларини юзага чиқарадиган, севинчлари, орзу-ниятларини, умидларини дўстлари, яқинлари билан баҳам кўрадиган кутлуғ кун эканини намоён этади. Бу жиҳатлар мамлакатимизда 2017 йилни Халқ билан мулоқот ва инсон манфаатлари йили, деб эълон қилинганида ҳам ўз инъикосини топмоқда.

Президентимиз Шавкат Мирзиёев раҳнамолигида ҳаётга татбиқ этилаётган изчил ислоҳотлар, амалий саъӣ-ҳаракатлар янги тараққиёт мэрраларини эгаллаш, замон шиддатига мос тарзда ривожланиш, халқимиз манфаатларини таъминлашга қаратилгани билан ғоят аҳамиятлидир.

Давлатимиз раҳбари ташаббуси билан иш бошлаган Халқ қабулхоналари инсон манфаатлари устуворлигини таъминлашнинг таянч нуқтаси, ҳокимият органлари ва халқ ўртасида ишонч кўприги бўлиб хизмат қилмоқда.

Халқ билан мулоқот ва инсон манфаатлари йилида Президентимиз жойларда аҳоли билан самимий мулоқотлар қилмоқда, уларнинг фикр ва таклифлари билан қизиқмоқда.

Байрам Қорақалпогистон Республикасида ҳам катта шодиёна билан нишонланмоқда. Ҳунармандлик буюмлари, пазандалик ва қандолатчилик маҳсулотлари кўргазмалари, фольклор-этнографик ансамблларнинг чиқишилари, баҳши-жировлар, полвонлар беллашуви, қиз-йигитлар айтишуви, турли халқ ўйинлари Наврӯз сайлига ўзига хос рух бағишламоқда.

Фарғона водийсининг байрамга тайёргарлиги ўзгача бўлди. Андижон вилоятида бўлиб ўтган байрам сайлига "Наврӯз – тинчлик, биродарлик ва қардошлиқ байрами" мазмуни сингдирилиб, сайлда миллий маданий марказлари вакилларининг турли халқлар урф-одат ва анъаналарини акс эттирувчи кўргазмалари, миллий лиbosлар намойиши бўлди. Дастурхонга миллий таомлар тортилиб, отахону онахонлар таклиф этилди.

Қашқадарёning тоғларга туташ адирларида Наврӯз сайли кўпкари ва кураш мусобақаларига уланиб кетди. Қарши шаҳрида Наврӯз байрами тантаналари эрта тонгда карнай-сурнай, доира садолари билан бошланди. Одамларнинг юз-кўзларида шодумонлик. Набираси қўлидан тутган отахону онахонлар, беғубор болакайлар, баҳордек латофатли хотин-қизлар, жўшқин йигитлар Наврӯз сайлига ошиқмоқда...

Наврӯз умумхалқ байрами Самарқанд вилоятининг барча худудларида ҳам ўзгача суур, кўтаринки кайфият билан нишонланмоқда.

Тантаналарда бадиий ва ҳаваскор ансамбллар, эстрада хонандалари иштирокида концертлар, театр томошалари уюштирилди, байрам ярмаркаси ўтказилиб, ош дамланди. Сумалак ва бошқа Наврӯз таомлари тортилди.

Алишер Навоий номидаги марказий истироҳат боғи ва "Суғдиёна" маданият ва истироҳат боғи амфитеатрида фольклор гурухлари, бадиий ҳаваскорлик жамоалари ва эстрада хонандаларининг чиқишилари уюштирилиб, худудга хос бўлган анъана ва урф-одатлар асосида сахна кўринишлари, спорт ўйинлари намойиш этилди.

Мамлакатимизнинг барча шаҳар ва қишлоқларида Наврӯз сайллари давом этмоқда.

[ЎЗА](#)